

→ AGAMA

Usah sahur hingga azan berkumandang



Ahmad Irfan Ikmal Hisham

Pensyarah Pusat Bahasa Moden & Sains Kemanusiaan, Universiti Malaysia Pahang

Puasa bermaksud penyembahan diri kepada Allah SWT dengan menahan diri atau imsak daripada perkara membatalkan puasa bermula terbit fajar hingga terbenam matahari.

Firman Allah SWT: "... dan makanlah serta minumlah hingga nyata kepada kamu benang putih (cahaya siang) daripada benang hitam (kegelapan malam), iaitu waktu fajar. Kemudian sempurnakanlah puasa itu hingga waktu malam (Maghrib)." (Al-Baqarah: 187)

Pada zaman Nabi SAW, umat Islam memulakan puasa melalui petunjuk alam yang juga sebahagian fenomena astronomi, iaitu antara waktu fajar hingga Maghrib. Melalui cerapan pergerakan matahari, manusia mengetahui waktu dilarang untuk mereka makan dan minum.

Namun, dengan perkembangan ilmu astrometri dalam falak, manusia mampu menghitung pergerakan terbit dan terbenam matahari dengan tepat. Ditambah dengan pengenalan sistem jam moden, akhirnya pe-

nentuan masa ibadat umat Islam menjadi mudah dengan melihat jam sahaja. Ini perkembangan baik kerana bulan semua orang mampu mempelajari ilmu falak, apakah lagi mencerap fenomena falak.

Walaupun disunatkan untuk melewatkhan sahur, ia tidak pula bermaksud kita diminta untuk makan dan minum hingga azan berkumandang. Anas ibnu Malik RA menyatakan Zaid ibnu Thabit RA bercerita kepadanya: "Mereka pernah sahur bersama Nabi Muhammad SAW, kemudian berdiri untuk melaksanakan solat." Aku bertanya: "Berapa jarak antara sahur dengan solat Subuh?" Beliau menjawab: "Antara 50 hingga 60 ayat." (HR Bukhari)

10 minit lebih awal

Hadir ini membawa maksud umat Islam perlu mengambil sikap berhati-hati dan berhenti daripada makan dan minum lebih awal daripada waktu Subuh sebenar.

Sekiranya diteliti dalam jadual waktu solat dan berbuka puasa yang dikeluarkan majlis agama Islam negeri sempena Ramadan, terdapat satu kategori waktu, iaitu waktu imsak. Waktu ini tidak dimasukkan dalam bulan selain Ramadan.

Waktu imsak ditentukan 10 minit lebih awal berbanding Subuh. Terdapat segelintir umat Islam keliru mengenai keperluan waktu imsak. Mengapa perlu waktu imsak, sedangkan Subuh itu sendiri sudah memadai bagi

kita mula berpuasa?

Tiada siapa menolak waktu Subuh sebenarnya adalah waktu imsak atau mula berpuasa. Namun, waktu Subuh sebenar tidak dapat ditulis secara terperinci dalam jadual waktu rasmi. Apakah lagi kemajuan sains dan teknologi, waktu solat tempatan boleh diketahui dengan amat tepat berdasarkan hisab hingga ke saat masuk dan bukan sekadar jam atau minit.

Namun, demi maslahat umum, pihak berkuasa agama hanya mengeluarkan senarai jadual waktu solat mengikut daerah zon ditetapkan di negeri masing-masing. Penetapan waktu zon adalah mengambil kira titik rujukan kawasan paling barat dalam zon berkenaan supaya memastikan semua umat Islam dalam zon itu, baik di timur atau barat, solat dalam waktunya, bukan sebelum waktunya.

Sebagai contoh di Zon 2 Pahang. Antara daerah tersenarai ialah Kuantan, Pekan, Muadzam dan Rompin. Titik rujukan solat zon ialah di kawasan paling barat, iaitu FELDA Chempaka, Rompin.

Apabila masuk waktu Zon 2, hakikatnya zon yang terletak di timur seperti di kawasan persisiran pantai Rompin dan Kuantan, sudah lama masuk waktu, iaitu seawal 4 minit lalu.

Julat perbezaan ini tidak dapat dielakkan kerana tertakluk kepada sudut kecondongan matahari yang berbeza setiap bulan. Pihak berkuasa juga tidak dapat

Info

Bagi elakkan kekeliruan, umat Islam perlu:

→ **Taat kepada arahan ulil amri** yang mengeluarkan jadual waktu solat, imsak dan berbuka puasa di tempat masing-masing.

→ **Merujuk jadual waktu tempatan** di tempat anda berada, bukan jadual di luar kawasan. Waktu solat, iftar dan berhenti sahur tertakluk kepada kawasan kita sedang berada.

→ **Mematuhi waktu imsak dalam jadual rasmi dieluarkan** kerana ia lebih berpetikan dengan sunnah Nabi SAW yang berhenti makan lebih awal berbanding waktu Subuh sebenar, apakah lagi atas dasar ihtiyati dalam konsep pentadbiran hal-hewal Islam di negara kita. 10 minit awal daripada waktu Subuh itu juga gambaran terhadap kadar panjang 50 ayat al-Quran yang disebut dalam hadis.

→ **Ahli kariah khasnya di kawasan sempadan negeri perlu lebih peka** dengan laungan azan masjid daerah masing-masing.

mengeluarkan jadual begitu teliti membabitkan setiap daerah atau kampung.

Maslahat umum

Atas konsep ihtiyati dan maslahat umum, waktu imsak diperkenalkan untuk memastikan umat Islam dalam zon waktu solat di seluruh negara, akan berpuasa pada waktunya. Sekiranya mereka memilih untuk terus makan sahur hingga ke waktu solat Subuh dan mengabaikan waktu imsak, ini memungkinkan puasanya tidak sah.

Selain itu, kepentingan waktu imsak juga dapat dirasai di kawasan sempadan dua negeri bersebelahan. Sebagai contoh, pada 1 Ramadhan tahun ini, waktu berbuka puasa di Tanjung Gemok, Pahang yang terletak di Zon 2 waktu solat (Kuantan, Pekan, Muadzam dan Rompin), jatuh pada 7.13 petang. Sementara itu di wilayah seberangnya, Mersing Johor yang hanya dipisahkan dengan sebatang sungai, waktu Maghrib masuk pada 7.08 petang.

Perbezaannya 5 minit, sedangkan kawasannya dekat sahaja. Ini berlaku kerana Tanjung Gemok tertakluk kepada waktu solat Zon 2. Difahamkan, kajian sedang dilanjutkan untuk mengurangkan jumlah perbezaan ini.

Begitu juga perbezaan waktu Subuh antara kedua-dua daerah bersempadan itu, selama 2 minit. Ini boleh menimbulkan kekeliruan kepada umat Islam yang ingin berhenti sahur dan juga ingin berbuka puasa.